

¡BOMBA!

Boxeo estaba olvidado,
de glorias, ni quien recuerde,
pero ¡vaya con Marco Verde!
¡Miren lo que ha alcanzado!



K'uintsil

Miércoles 7 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2293 · www.lajornadamaya.mx

Jsa'at u kuxtal yucatecoil jts'íib Roldán Peniche Barrera

Tu siistal k'iin le martes 6
ti' agosto máanika', je'ets'
sa'at u kuxtal yucatecoil
jts'íib Roldán Peniche
Barrera. 89 u ja'abil ka'achij.

U jo'olpóopil u noj
kajail Jo'e', Alejandro Ruz
Castro, tu ts'áaj k'ajóoltbil
jump'éel ts'íib ti' redes
soosyales tu'ux tu yaj
óoltaj u kiimilz le nojoch
máaka', máax xan tu
beetaj u jk'aay tuukulil,
jpéeriodistáa yéetel
jka'ansaj.

"Kin jach yaj óoltik u
sa'atal u kuxtal jnoj ts'íib
Roldán Peniche Barrera,
máax u p'atmaj k'a'anan
ba'alo'ob yóok'olal meyaj
tu beetaj, tu'ux tu chiikbesaj
k'ajla'ay, káan iik' ti'ilil yéetel
u yóol u kaláanta'al maaya
miatsil. In láak'inaj yiknal
u láak'o'ob. Utsil je'elek", tu
ts'íibtaj jo'olpóop.

Peniche Barrera
meyajnaj beey secretario
tu kúuchil Fondo Editorial
de Yucatán, tu jo'olbesaj
u jaats meyajil Literatura
ichil u mola'ayil Instituto

de Cultura de Yucatán,
tu jo'olbesaj Hemeroteca
del Estado, tu beetaj xan
u secretarioil Academia
Yucatanense de Artes y
Ciencias yéetel táakpaj
ti' jejeláas medios yaan
te'el lu'umila'.

Tu k'iinil 27 ti' septiembre
ti' u ja'abil 2022e' tu k'amaj
u chiikulal medalla Eligio
Ancona ku k'u'ubul
tumen Universidad
Autónoma de Yucatán.

Jts'íibe' chiimpolta'ab
xan yéetel u chiikulal
medalla Yucatán tu
ja'abil 2011, yéetel uláak'
chiimpolalo'ob tu lu'umil
Yucatán yéetel México.

Tu ja'abil 2020e' tu
chukaj 50 ja'abo'ob
úuchik u yáax ts'a'abal
k'ajóoltbil jump'éel u
ts'íibil Roldán Peniche, *El
último sol: meditaciones
de la mística maya*.

